



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Lilivm Inter Spinis**

**Sterre, Jean Chrysostome van der**

**Antverpiæ, 1627**

Cap. LI. Miro Dei fauore, ne in Contemplatione turbetur, sæpè à  
præsentibus non videtur.

**urn:nbn:de:hbz:466:1-43032**

## CAPVT LI.

*Miro Dei fauore, ne in Contemplatione  
turbetur, sæpè à præsentibus non  
videtur.*

\* Fortè  
deest pluri-  
bus.

**N**EC vna vice contigit eum, licet præsentem, à præsentibus non videri; vt veritas tanti miraculi (quæ etiam \* testibus cõfirmatur) nulla posset tergiuersatione celari. Deuotione Fratris, qui in Refectorio ministrabat, & familiaritate confisus, in ipso sibi Refectorio elegerat sessionem; in quo post prandium tempore æstiuiali, & post cœnam tempore hiemali, toto pænè die potuit contemplationi studioque vacare. Ibi nonnumquam à Fratре intrante & exeunte, ianuamque claudente, minimè visus est: ita vt intrans summoperè miraretur, se non inuenire, quem reliquerat; rursusque regrediens non minùs stuperet, se eum reperisse, quem se ibi non reliquisse  
puta-

ORDINIS PRAEMONST. 165  
putabat. Clausura enim ostij talis erat,  
vt ab aliquo interiùs existente aperiri  
non posset ; ne quisquam existimet  
eum Fratre ignorante egredi aut re-  
gredi potuisse. Vnde aliquando, cùm  
Frater exiret clausurus ianuam , nec  
eum præsentem adspiceret, (existimãs  
tamen quòd posset intus esse , sicut  
heri & nudius tertius) clamauit aperte:  
Iam, si intus es, Ô I O S E P H , te mani-  
festa; ne, clauso ostio, exire non possis.  
Tacente I O S E P H , ac illo Refecto-  
rium exire parante , & iam clauem  
feræ inferente, clamare cœpit post ter-  
gum eius: Parce, inquit, claudere; iam  
enim tecum egredi paratus sum. At  
ille admirans & stupens vehementer;  
Sic te, inquit, me egrediente, de cetero  
non prodideris , per totum diem te  
oportet clausum intrinsecus remane-  
re. Ille verò secundùm consuetudinem  
suam volens dissimulare quod negare  
non poterat ; Quare, inquit, me non  
vidisti, qui coram facie tua sedi ? Ecce

L 3      testi-

testimonia virorum, Fratrum Ecclesiae Steinueldensis, à quorum ore, ea quæ scribo, te teste, Domine I E S U, in meum \* deduxerunt auditum; ne forte minus fidei & credulitatis acquirant, si in tertiam vel quartam putentur transisse personam, antequam scripturæ fuerint commendata, aut si dubio recitetur auctore. Nec rarum fuit, imò pænè quotidianum, ipsum à Fratribus per omnes angulos officinarum Monasterij studiosè quæsitum, minimè fuisse repertum; &, quando ei placuisset, cum admiratione eorum, fuisse \* reuersum. Nos quoque tantum miraculum non perfunctoriè transeamus, sed quantum possumus in ipsius intremus mysterium: & corde studioso quæramus, quantæ subtilitatis spiritus eius fuerit; quàm perfectè ad illud inuisibile & incircumscriptum lumen diuinum accesserit; quàm totus in interiora velaminis, in potentias Domini, in illud secretissimum Domini

\* An forte  
defluerunt?

\* Forte  
reuisum  
pro iterùm  
uisum.

Psalm. 70.

mini sanctuarium introierit; cum etiam corpusculum eius corruptibile tantæ fuerit subtilitatis effectum, ut à præsentibus videri non posset. Quàm totus in cellaria Regis, in cellam Sponsi <sup>Cant. i.</sup> vinariam, ipso Sponso introducente, in lætitia & exultatione introierat! quàm totum sese sub umbra ligni vitæ, quod est in medio Paradisi, absconderat, & fructus eius edebat; vinumque vitis veræ in cordis iucunditate bibebat! Quàm dulciter, post illum languorem amatorium, (quo diu continueque languerat) post illud, mortiferum nescio si dicam, siue vitiferum vulnus Charitatis, (quo dulcissimè & fortissimè percussus, & mortem bonam tentationum & molestiarum mortificatricem inciderat, nihilominus & vitam meliorem, intellectus & saporis intimi viuificatricem, acquisierat) quàm dulciter, inquam, & quàm totus in illis incomprehensibilibus Sponsi amplexibus, in illo inte-

reriori cubiculo soli Sponsæ obdormie-  
 rat peruio; ipso Sponso cum in suæ  
 Pfalm. 30. speciei, sui vultus speciosissimi absco-  
 dito abscondente, & filias Israël ad-  
 Cant. 2. iurante, ne suscitarent neque facerent  
 euigilare Dilectam, donec ipsa vellet.  
 Quid enim tibi videtur dixisse Spon-  
 sus, Dilectum etiam corporaliter abs-  
 condendo, nisi quòd non suscitaretur  
 ab inquietis; neque euigilare, nisi vo-  
 luntariè, cogeretur? Quid, Fratres, mi-  
 ramini, si talis horam prandij & re-  
 fectionis corporalis non sentiat, qui  
 Pfalm. 33. gustat & videt quàm suavis sit Do-  
 minus, & quanta sit multitudo &  
 Pfalm. 30. magnitudo dulcedinis Domini, quam  
 abscondit timentibus se; perficit eis,  
 qui sperant in se; absconditè quidem  
 & perfectè largitur diligentibus se,  
 quos in lumine vultus sui abscondit à  
 Pfalm. 41. conturbatione hominum, in taberna-  
 culo suo illo, vbi tantùm auditur vox  
 exultationis & cõfessionis, sonus festû  
 celebrantis, protegit à contradictione  
 lin-

linguarum? \* Siquid, anima mea, conaris; certè non peruenis, certè non apprehendis: quantò minùs scribendo & garriendo ad illam requiem alios introducis? \* Fortè Ecquid, anima mea, conaris? Benedic tamen, anima Pfal. 102. mea, Dominum, & omnia interiora mea Nomen sanctum eius: quia mirificauit misericordiã suam facere cum IOSEPH: & congratulare ei: & hæc sit portio gaudij tui, vt gaudeas cum gaudente IOSEPH; & hæc ad præsens satietas tua, vt (quantum potes) videas satiari IOSEPH; & hæc requies tua, vt cõsideres in amplexibus Sponsi requiescentem IOSEPH. Solus ad gaudium istud non intret, solus de delicijs istis non gustet, solus requie somni huius minimè perfruatur Luc. 15. Frater ille, maiorem se æstimans, inuidensque minori; qui magis in agro corporis, spinas & tribulos germinante, diligit conuersari peruersus, quàm intrare ad conuiuium Fratris minoris, vbi audiat symphoniam & chorum, &

L 5 hædo

170 VITA B. IOSEPH  
hædo lasciuia despecto, vitulum co-  
medat faginatum.

CAPVT LII.

*Quòd apparuit ei Dominus ferens secu-  
rim in manu sua.*

\* A mira-  
bilibus le-  
gèdum, et si  
Ammira-  
bilibus ha-  
beretur.

**A**\*MIRABILIBVS testimonijs (qui-  
bus coram pluribus testibus San-  
ctum suum mirificare curauit Domi-  
nus, faciēs mirabilia) ad ea, quæ ab ipso  
IOSEPH de ipso audiuius, redea-  
mus. Puto testimonijs præcedentibus  
ita percussas esse & contritas inuiden-  
tium & detrahentium frontes, vt ultra  
ipsi IOSEPH dicere non præsumant:  
Tu de teipso testimonium dicis; testi-  
monium tuum non est verum; cum  
Psal. 91. testimonia eius credibilia facta sint  
nimis. Audiamus igitur & credamus  
veritatem; & nos audire & credere  
gaudeamus. Dispositione diuina in  
quodam aliquando Monasterio mo-  
rabatur, quod multis & diutinis tri-  
bula-